

صاحب امتیاز و مدیرمسئولی

حسین شمی

سرمدری :

احمد شیرانی

۱ مایس

۱۸ جمادی الاخری

خبر الکلام

قل الخیر والافلاسک

دین در خط خبرت، عزم خالصه سید بخشید کونبری نشر اول نور اسلام تبریز

« الله » ولی التوفیق

نظر شرعده، خصوصیه اهل تصوف نظر نده
هر موجودك، كندینه كوره بر حیاتی و هر ذی
حیاتك كندینه كوره بر مدار معیشتی وارد.
بر ذی حیات ؛ اگر مدار معیشتی زمان لازمده
الده ایدمزه حیاتی الدن قاجیر بر . فقط بر
قسمك، مدار معیشتی، صرف، و هبی اولهرق
حصوله كالور . اشجار و نباتات كی .

بونلرك، كندیلرینه مخصوص اولان حیاتلری
بینومك، دال و بوداق صائق، یا پراق آجق،
چیچك چیقصارمق، میوه و برمكدن، بو طرز
حیاتلرینه مخصوص اولان مدار معیشتلری ده
حرارتله برودتن عبارتدر . حرارتله برودت
ایسه، صرف، و هبی اولهرق امداد حیاته یتشیر،
كسبك هیچ تأثیری اوله ماز، اساساً حیاتلری،
كسبه مساعد دكادر .

دیكر بر قسمك، مدار معیشتی، كسب ایله
وهبك یكدیكریه ازدواجلرندن طو غار . انواع
حیوانات كی .

بونلرك مدار معیشتلر نده كسبك تأثیری
اولدینی ایچون، تخصیصی اوغر نده چاشمایه مجبور،
تداركی آرقه سنده قوشمقله مكفدرلر، چالشازلر،

قوشمازلر سه حیاتلرینی محافظه ایدمزلر . ایسته
بو احتیاج واضطرار درك : هر مخلوق ذی روحی،
مبارزه حیات، میدانه آثار، و مثلاً: برقر نجه نك
حجره مورانه نی . دانه حیات، مخزن قیلار .
حیوانات سائرینی، جلب ارزاق آرقه سنده
قوشمدران بو احتیاج واضطرار ؛ نوع بشرده
دها زیاده حس اولور . چونكه نوع بشرك
طرز حیاتی، اولرك حیاتلری قادر ساده،
غایه سی، اولرك غایه لری كی بسط دكل در .
اولر، یالکز حیات شخصیه لری نامنه چالیشیرلر،
نوع بشر ایسه، شخصی، عائلی، ملی، نوعی
كی بر جوق حیاتك مدار محافظه سیله علاقه دار
بولورلر. آنك ایچون، چالشمق احتیاج واضطراری
نوع بشرده دها زیاده یوز كوستریر . دیمك
اولورك : بشریت، كسبه، سعیه طبعاً محتاجدر،
طبعاً محتاج اولدینی كی شرعاً كسبله، سعیه
موظفدر، مكفدر . فقط، یالکز كسبله، ساده جه
سعیه نائل مرام، واصل آمال اوله بیلورمی ؟
هر چالیشان ؛ ثمره سعینی الده ایدم بیلورمی ؟
خلاصه : كسب وسی ؛ حصول مطلوبه ؛ سبب
مستقل عد اوله بیلورمی ؟ یوقسه بشقه بر مؤثر ك
انضامنه محتاجی ؟ یز .

بز، بوسؤالره جواب ویریرکن، قارشومزده
براهل اقرار، برده اهل انکار بولندیریرز.
اهل اقراره، جواب ویریرکن، مؤثری دلیل،
اثری ده دعوی بایقی صورتیه دیرزکه :
کسب و سبی - اهلاری جائز اولماقله
برابر - حصول مطلوبک سبب مستقلى دکالردر،
وهب و توفیقک انضمامنه محتاجدرلر .

چونکه وارلغی، برلکلی اقرار و اعتراف
ایتدیککنز (الله) تعالی حضرتلری قرأنده،
نبوتی، رسالتی قبول ایلدیککنز « پیغمبر » ده
حدیدنه او یله سیوریور. حتی حضرت « محمدک
بالذات کندیبی بر کون بر سؤال قارشوسنده
قالدی، حکمه اوکون جواب ویرممدی، سؤالی
صورن کیمسه یارین جواب ویریرم بیوردی،
فرداسی کون ینه جواب ویرممدی. بوندن
طولانی قابی محزون و مضطرب اولدی، درحال
[ولا تقولن شیء انی فاعل ذلک غداً الا ان یشاء الله]
آیت جیللهسی نزول ایشدی که مآلاً: « حییم! صاقین
« انشاء الله » سزهیج برایش حقنده یارین شواشی یایارم
دیمه » دیمکدر. بوحادثه دزدده اکلایشیلورکه: « الله »
ارادهسی، مشیتی، توفیق انضمام ایتدیککه یالکیز
سعیله موفقیت حاصل اولماز. او یله ایسه،
« الله » ولی التوفیقدر، آنک ایچوندده « انشاء الله » سز
ایش یتمز .

اهل انکاره جواب ویریرکن ده اثری دلیل،
وجود مؤثری دعوی یایارق سوبلر زکه :

توفیقندن استفاضه ایتدیککه تدبیردن استفاده
ایده مزسکنز، چونکه سزک بعض غایه کنز، مطلوب کنز
اولیور، بوغایه و مطلوب کنزه واصل و نائل اولق ایچون
بتون تدبیری اتخاذایدیورسکنز، وقوع و حصوله
خادم نه قادر و سائط و ارسه هیسنه باش
ووریورسکنز، او یله ایکن ینه عمریککنزک نهایته

قادر اوغایه و مطلوب کنزه نائل و واصل اوله میورسکنز
اگر یالکیز سی و تدبیر، حصول مطلوبک سبب
مستقلى اولسیدی هر سی و تدبیرک منطقی و عقلاً
و بالفعل « موصل الی الغایه » اولماسی لازم کلریدی.
حالبوکه موصل اولمادیغنی تجربه کنزله اکلایور
و کوریورسکنز .

شوحاله اولانجه تدبیرلریکیزی عقیم براقان،
ارادهسی، مشیتی تعلق ایتدیککه، نصرت و توفیق
امدادیکزه یتشممیککه موقوف اوله میه جقکنز
بر مؤثرک قوه قاهره سی قارشوسنده عاجز و زبون
بولندیکنز ثابت اولور. او یله ایسه بو عاجز
و مسکنت ایچنده غرور و مفخرت ندر؟!
هانکی قوته استداد ایده رک هر دورلو موانع
سماویه و ارضیه ره رغماً شویله بایدق، بویه
یایاجفز دیورسکنز؟! عوارض سماویه و طبیعیه کنک
دکل جمله سینه ذره سینه بیله مقاومت ایده مین
بز عاجز مخلوقار، عاجز اولدیغمزی بیلمیه جک
قادر عجزه تسلیم عنان ایتیه رک هر دورلو
تدبیرمزی زیر و زبر ایدن بر صاحب تقدیر
و توفیقک حضور عظمت و جلالتنده بوینومزی
اکمه لی بز. اگر بز، طوعاً اکمزسه ک او جبراً
اکدیررر. چونکه عجزی بیلمینه: کندینی
طاعتق حکمت و مصلاحت ایجابانددر. اهل انکارک
بوخصه و صده مهم بر ضررلری ده و اردرکه :
اوده تدبیرلریکنک بوشه جیقیدیغنی کورونجه
قلباً مضطرب و منکسر اولورلر، کندیلرینی تسلی
ایده جک بر استنادکاه بوله منلر، نهایت اتخاره
قرار ویریرلر! فقط اهل اقرار، ایشی بودرجهیه
واردیررر. اونلرک هر دورلو دردلرینه یالکیز
شو عقیده درمان اولور: « الله » ولی التوفیق .
احمد شیرانی